

ა) პროგრამის სახელწოდება: საზოგადოებრივი გეოგრაფია “Human Geography”

ბ) მისანიჭებელი აკადემიური ხარისხი: საზოგადოებრივი გეოგრაფიის მაგისტრი  
MA in Human Geography

გ) პროგრამის მოცულობა კრედიტებით 120 კრედიტი

პროგრამა შედგება ორი მოდულისგან:

- *სოციალური და პოლიტიკური გეოგრაფია;*
- *ტურიზმის გეოგრაფია და სივრცითი განვითარება.*

მიმართულება მაგისტრანტს სთავაზობს 21 სასწავლო კურსს, ჯამში 160 კრედიტი. მაგისტრანტი ვალდებულია შეასრულოს 120 კრედიტი შემდეგი სქემით:

- პროგრამის სავალდებულო სასწავლო კურსები - 40 კრედიტი
- მოდულის სავალდებულო სასწავლო კურსები - 30 კრედიტი;
- თავისუფალი კრედიტი - 20 კრედიტი;
- სამაგისტრო ნაშრომი - 30 კრედიტი;

დ) სწავლების ენა – ქართული;

ე) საგანმანათლებლო პროგრამის მიზანი, რომელიც მიმართულია სტუდენტის კომპეტენციების გამომუშავებასა და დასაქმების სფეროს განსაზღვრაზე: საზოგადოებრივი გეოგრაფია (Human Geography), ერთის მხრივ სოციალური მეცნიერებების, ხოლო მეორეს მხრივ დედამიწის შემსწავლელი მეცნიერებების შემადგენელი ნაწილია. საზოგადოებრივი გეოგრაფიის სამაგისტრო პროგრამის მიზანია სტუდენტებს მისცეს ცოდნა და გამოუმუშავოს უნარ-ჩვევები, რომლის საფუძველზეც მათ შეეძლებათ სოციალური, ეკონომიკური და პოლიტიკური სისტემების და პროცესების სივრცობრივი კანონზომიერებებისა და თავისებურებების გამოვლენა და აღნიშნულ სფეროებში მოსალოდნელი ცვლილებების პროგნოზირება ადგილობრივ, რეგიონულ და გლობალურ დონეებზე.

საზოგადოებრივი გეოგრაფიის მიმართულებაზე სამაგისტრო სწავლების მთავარი დანიშნულებაა სტუდენტების მომზადება თანამედროვე მოთხოვნების შესაბამისად მსოფლიოს წამყვან უნივერსიტეტებში და ჩვენს დეპარტამენტში არსებული გამოცდილების საფუძველზე. ამ ამოცანის გადაჭრა ხორციელდება, როგორც დეპარტამენტის, ასევე ფაკულტეტზე არსებული სამეცნიერო-პედაგოგიური პოტენციალის მეშვეობით. აღსანიშნავია, რომ საზოგადოებრივი გეოგრაფიის სპეციალობის ლექტორების ნაწილს დამთავრებული აქვს უცხოეთის სასწავლებლები ან საზღვარგარეთ უმუშავიათ სხვადასხვა სასწავლო-კვლევით ორგანიზაციებში. ეს საშუალებას აძლევს ჩვენს სტუდენტებს "პირველი ხელიდან" მიიღონ ინფორმაცია მოწინავე უცხოური გამოცდილების შესახებ.

უკანასკნელ პერიოდში საქართველოში დიდი ყურადღება ეთმობა ტურიზმის განვითარებას. საზოგადოებრივი გეოგრაფიის დეპარტამენტმა, რომელსაც ტურიზმისა და რეკრეაციის გეოგრაფიის სფეროში სწავლებისა და კვლევის კარგი გამოცდილება გააჩნია, გადაწყვიტა 2011-12

სასწავლო წლიდან განსაკუთრებული ყურადღება დაუთმოს აღნიშნული დარგის სპეციალისტების მომზადებას. ამ მიზნით საზოგადოებრივი გეოგრაფიის სამაგისტრო პროგრამას დაემატა ტურიზმთან დაკავშირებული 3 ახალი სასწავლო კურსი და პროგრამაში შეიქმნა მოდული “ტურიზმის გეოგრაფია და სივრცითი განვითარება”. ამასთან, საზოგადოებრივი გეოგრაფიის დეპარტამენტი აგრძელებს მისი ტრადიციული მოწინავე მიმართულების სოციალურ-პოლიტიკური გეოგრაფიის მდიდარ ტრადიციებს და შესაბამისად სახეზეა სამაგისტრო პროგრამის მეორე მოდულიც „სოციალური და პოლიტიკური გეოგრაფია“. წარმოდგენილი პროგრამა შეიძლება დაიყოს სასწავლო და კვლევით კომპონენტებად. აქედან, სასწავლო კომპონენტი შეადგენს მთელი პროგრამის 75% (90 კრედიტი), ხოლო დანარჩენი 25% (30 კრედიტი) მოდის კვლევით კომპონენტზე, რომელიც წარმოდგენილია სამაგისტრო ნაშრომით.

სამეცნიერო თემატიკა, რომლის ფარგლებშიც მაგისტრანტს შეუძლია სამაგისტრო ნაშრომის შერჩევა საკმაოდ ფართოა. პროგრამის ორივე მოდული პირობითად მოიცავს შემდეგ საკითხებს:

- საზოგადოებრივი გეოგრაფიის თეორია და მეთოდოლოგია;
- ტურიზმისა და რეკრეაციის გეოგრაფია;
- გეოურბანისტიკა;
- მიწის მენეჯმენტი;
- პოლიტიკური გეოგრაფია (გეოპოლიტიკისა და ეთნოკონფლიქტების ჩათვლით);
- სოციალური და კულტურის გეოგრაფია;
- მეურნეობის გეოგრაფია;
- გლობალიზაცია და განვითარების გეოგრაფია;
- მოსახლეობის გეოგრაფია;
- ქვეყანათმცოდნეობა.

მაგისტრის ხარისხის მაძიებლები სამაგისტრო შრომას ასრულებენ, როგორც წესი სხვადასხვა ორგანიზაციებში და რეგიონებში შეგროვებული მასალების საფუძველზე. საველე კვლევა რამდენიმე თვის განმავლობაშიც კი გრძელდება. ამ პროცესში ისინი არაოფიციალურად ჩართული არიან შესაბამისი ორგანიზაციების, საწარმოების, დაწესებულებების მუშაობაში. დეპარტამენტს განზრახული აქვს აღნიშნულ ურთიერთობებს ოფიციალური სახე მისცეს ორმხრივი ხელშეკრულების გაფორმების საფუძველზე.

#### **ვ) პროგრამაზე დაშვების წინაპირობა:**

- მინიმუმ ბაკალავრის ხარისხი;
- საერთო სამაგისტრო გამოცდა;
- გამოცდა საზოგადოებრივ გეოგრაფიაში;

#### **ზ) სწავლის შედეგი:**

საზოგადოებრივი გეოგრაფიის მაგისტრი არის სპეციალისტი, რომელმაც აითვისა საზოგადოებრივი გეოგრაფიის და მომიჯნავე სამეცნიერო დისციპლინების სამაგისტრო კურსები ორი ძირითადი მიმართულებით: 1) “ტურიზმის გეოგრაფია და სივრცითი განვითარება” და 2) “სოციალური და პოლიტიკური გეოგრაფია”. ჩვენი სპეციალობის მაგისტრს ხელეწიფება დამოუკიდებელი მეცნიერული მუშაობა, კერძოდ შეუძლია სალიტერატურო, სტატისტიკურ და სხვა სახის წყაროებთან მუშაობა, გეოინფორმაციული სისტემების ტექნოლოგიების გამოყენება, კონკრეტული საზოგადოებრივი მოვლენებისა და პროცესების დრო-სივრცითი ანალიზი და მოსალოდნელი შედეგების პროგნოზირება.

|   |   |
|---|---|
| <p><b>ცოდნა და გაცნობიერება</b></p>                             | <p>სამაგისტრო პროგრამის გავლის შედეგად მაგისტრს ექნება ფართო წარმოდგენა და საფუძვლიანი ცოდნა ძირითადი თანამედროვე გეოგრაფიული კონცეფციებისა და პარადიგმების შესახებ, რაც მას დაეხმარება სწორი წარმოდგენა შეიქმნას მსოფლიოში და საქართველოში მიმდინარე მნიშვნელოვანი სოციალურ-ეკონომიკური და პოლიტიკური პროცესების, განსაკუთრებით მათი სივრცითი გამოვლინებისა და ტერიტორიული თავისებურებებზე. ხელეწიფება საზოგადოების განვითარების თანამედროვე ტენდენციების სწორად გაგება და შეფასება. გაცნობიერებული ექნება ინფორმაციის ხელმისაწვდომობისა და თანამედროვე ტექნოლოგიების როლი დემოკრატიული და ჰარმონიული ტერიტორიული განვითარების პროცესში. ეცოდინება კვლევითი და საექსპერტო საქმიანობისათვის საჭირო პროფესიული ეთიკის ნორმები.</p> |
| <p><b>ცოდნის პრაქტიკაში გამოყენება / პრაქტიკული უნარები</b></p> | <p>მაგისტრს ექნება საკმარისი კომპეტენცია, იმისათვის, რომ პროგრამის დასრულებისთანავე სრულფასოვნად ჩაერთოს პროფესიულ საქმიანობაში სახელმწიფო, საზოგადოებრივ ან კერძო სექტორში, როგორც ადგილობრივ, ასევე საერთაშორისო მასშტაბით. მას ეცოდინება, როგორ მოიპოვოს, დაამუშავოს, წარმოადგინოს და შეინახოს სივრცითი და ატრიბუტული ინფორმაცია, როგორ იმუშაოს მონაცემთა წყაროებთან და მონაცემთა ბაზებთან; მას ექნება თანამედროვე საინფორმაციო და საკომუნიკაციო გის ტექნოლოგიების საფუძვლიანი ცოდნა და მათი პრაქტიკაში/კვლევაში გამოყენების უნარი. შეეძლება სამეცნიერო პროდუქციის შექმნის, წარმოდგენისა და გამოყენების უნარი. სწორედ იყენებს გეოგრაფიულ ტერმინოლოგიას.</p>  |

|                    |   |
|--------------------|---|
| დასკვნის უნარი     | შეუძლია მეცნიერული პრობლემის იდენტიფიცირება და ანალიზი. შეუძლია სოციალური და გეოგრაფიული პროცესების შესახებ მეცნიერული დასკვნების გაკეთება და რეკომენდაციების შემუშავება.   |
| კომუნიკაციის უნარი | შეძლება დისკუსიებში და მსჯელობებში მონაწილეობა, ექნება კრიტიკული აზროვნების, ინტერდისციპლინურ და ინტერკულტურულ გარემოში თანამშრომლობის უნარი. შეუძლია მშობლიურ ენაზე ზეპირი და წერილობითი ფორმით კომუნიკაცია. ფლობს ინგლისურ ენას B2 დონეზე – წარმოადგენს დამოუკიდებელ მოსაუბრეს გეოგრაფიის სფეროში. შეუძლია დროის დაგეგმვა და მართვა (დროის მენეჯმენტი) დასახული მიზნის მისაღწევად. ხელეწიფება ინდივიდუალური და გუნდური მუშაობა შესაბამისი კომპეტენციის ფარგლებში. იცნობს და იყენებს თანამედროვე ზოგად საინფორმაციო და საკომუნიკაციო ტექნოლოგიებს, მათ შორის გის ტექნოლოგიებს. |
| სწავლის უნარი      | შეუძლია ცოდნის პრაქტიკაში გამოყენება. შეუძლია სწავლა და ცოდნის მუდმივი განახლება. დარგის ცოდნა-გააზრება და პროფესიის გათავისება. შეუძლია დამოუკიდებლად მუშაობა. შეუძლია სხვადასხვა წყაროდან ინფორმაციის მიღება, დამუშავება, ანალიზი და მონაცემების ინტერპრეტაცია, მეცნიერული რეკომენდაციების შემუშავება. შეუძლია დაკისრებული ამოცანებისა და ვალდებულებების პასუხისმგებლობით შესრულება.  |
| ღირებულებები       | კურსდამთავრებულები წვლილს შეიტანენ ისეთი ღირებულებების დამკვიდრებაში, როგორცაა ტოლერანტობა, პასუხისმგებლობა, სამართლიანობა, შრომისმოყვარეობა, ადამიანის უფლებების პატივისცემა.  |

თ) სწავლის შედეგების მიღწევის მეთოდები;

- ვერბალური, ახსნა-განმარტებითი მეთოდი;
- ლიტერატურასა და სხვა წყაროებზე მუშაობის მეთოდი;
- საველე კვლევისა და დაკვირვების მეთოდი;
- შედარებითი ანალიზის მეთოდი;
- სივრცით-დროითი ანალიზის მეთოდი;
- სისტემური მიდგომის მეთოდი;
- მონაცემთა ვიზუალიზაციისა და კარტოგრაფიული მეთოდი;
- სტატისტიკური ანალიზის მეთოდი;
- გუნდური მუშაობა და დისკუსია;
- გეოინფორმაციული (გის) და დისტანციური ზონდირების მეთოდი;
- SWOT ანალიზი.

**ი) სტუდენტის ცოდნის შეფასების სისტემა;**

(A) 91 -100 ფრიადი

(B) 81 -90 ძალიან კარგი

(C) 71 -80 კარგი

(D) 61 -70 დამაკმაყოფილებელი

(E) 51 - 60 საკმარისი

(FX) 41 - 50 ვერ ჩააბარა, სტუდენტს ეძლევა საბოლოო გამოცდის ერთხელ გადაბარების უფლება

(F) 0 – 40 ჩაიჭრა, სტუდენტმა კრედიტის მიღებისთვის თავიდან უნდა გაიაროს კურსი

**კ) სასწავლო გეგმა, სწავლების ორგანიზების თავისებურებების მითითებით.**

წარმოდგენილი პროგრამა მოიცავს სავალდებულო და სავალდებულო-არჩევით კურსებს, აგრეთვე სამაგისტრო ნაშრომს.

მაგისტრის ხარისხის მისაღებად მაგისტრანტმა უნდა შეასრულოს:

- პროგრამის სავალდებულო სასწავლო კურსები - 40 კრედიტი
- მოდულის სავალდებულო სასწავლო კურსები - 30 კრედიტი;
- თავისუფალი კრედიტი - 20 კრედიტი;
- სამაგისტრო ნაშრომი – 30 კრედიტი;

დეტალური ინფორმაციისათვის იხ. სასწავლო გეგმა.

**ლ) პროგრამის ხელმძღვანელი:** სრული პროფესორი გიორგი გოგსაძე;

**მ) დასაქმების სფეროები:** სოციალურ-ეკონომიკური და პოლიტიკური გეოგრაფიის კათედრის (2005 წლიდან საზოგადოებრივი გეოგრაფიის დეპარტამენტის, შემდეგ მიმართულების) კურსდამთავრებულები წარმატებით იყენებენ მიღებულ ცოდნას მეცნიერულ და განსაკუთრებით პრაქტიკულ საქმიანობაში. ჩვენმა კურსდამთავრებულებს მნიშვნელოვანი წვლილი შეაქვთ საქართველოს სახელმწიფოებრიობის მშენებლობაში. საკმარისია აღინიშნოს, რომ ქვეყნის დამოუკიდებლობის აღდგენის შემდეგ სხვადასხვა პერიოდში საზოგადოებრივი გეოგრაფიის სპეციალისტები მუშაობდნენ და მუშაობენ სხვადასხვა საპასუხისმგებლო სახელმწიფო თანამდებობებზე. ჩვენი დეპარტამენტის

კურსდამთავრებულებებს შორის იყვნენ/არიან 2 პერემიერ-მინისტრი, 4 მინისტრი, 10-მდე მინისტრის მოადგილე და მათთან გათანაბრებული პირი, 12 ელჩი. 2 საზოგადოებრივი გეოგრაფი ამჟამად მუშაობს ვაშინგტონში მსოფლიო ბანკის და საერთაშორისო სავალუტო ფონდის შტაბ-ბინაში. აღნიშნულიდან გამომდინარე, ცხადია, რომ შრომით ბაზარზე მთლიანობაში საზოგადოებრივი გეოგრაფიის სპეციალისტებზე მოთხოვნა საკმაოდ დიდია და ეს მოთხოვნა არ მცირდება. წარჩინებულ სტუდენტებს დეპარტამენტი რეკომენდაციას გაუწევს შესაბამის სამთავრობო და კერძო ორგანიზაციებში მათი შრომათმოწყობის მხრივ.

საზოგადოებრივი გეოგრაფიის მაგისტრების დასაქმების შესაძლო სფეროებს წარმოადგენს: სამთავრობო ორგანიზაციები (მათ შორის დიპლომატიური სამსახურები), საგანმანათლებლო, გეგმარებითი, გარემოსდაცვითი და ტურისტული დაწესებულებები; არასამთავრობო და კომერციული სექტორი.

#### **ნ) დამატებითი ინფორმაცია**

საზოგადოებრივი გეოგრაფიის სამაგისტრო პროგრამები არსებობს თითქმის ყველა განვითარებულ ქვეყანაში. ჩვენი მიმართულების მიერ წარმოდგენილი პროგრამა ყველაზე ახლოს არის კონტინენტური ევროპის, განსაკუთრებით შვედეთის, ფინეთის და ყოფილი საბჭოთა კავშირის უნივერსიტეტების სამაგისტრო პროგრამებთან.

აღსანიშნავია, რომ საქართველოში საზოგადოებრივი გეოგრაფიის პროგრამა (როგორც მაგისტრატურის, ასევე ბაკალავრიატის და დოქტორანტურის დონეზე) წარმოდგენილია მხოლოდ ივ. ჯავახიშვილის სახელობის თბილისის სახელმწიფო უნივერსიტეტში. მოცემული სამაგისტრო პროგრამით გათვალისწინებულია გეოინფორმაციული სისტემების (GIS) სწავლება, რაც მთლიანად შეესაბამება საზოგადოებრივ გეოგრაფიის სამაგისტრო პროგრამებისადმი წაყენებულ მსოფლიო მაღალ სტანდარტებს.

**ინფორმაცია მისაღები კონტიგენტის შესახებ:** პროგრამას შეუძლია 30-მდე სტუდენტის მიღება.

**სწავლის გაგრძელების საშუალება:** სამაგისტრო პროგრამის სწავლის შედეგი უზრუნველყოფს კურსდამთავრებულის შემდგომ საფეხურზე - დოქტორანტურაში სწავლის გაგრძელების საშუალებას.

**პროგრამის ფინანსური უზრუნველყოფა:** სამაგისტრო პროგრამის ფინანსურ უზრუნველყოფას ახდენს თსუ.

**ინფორმაცია პროგრამის განხორციელებისათვის აუცილებელი მატერიალური რესურსების შესახებ დანართის სახით:**

- თსუ-ს სოციალურ და პოლიტიკურ მეცნიერებათა ფაკულტეტის მატერიალურ-ტექნიკური ბაზა;
- უნივერსიტეტის რესურსცენტრები;
- ელექტრონული ჟურნალები და ბაზები;
- უნივერსიტეტისა და სოციალურ მეცნიერებათა ფაკულტეტის ბიბლიოთეკა;
- სტუდენტის რეგისტრაციისა და სასწავლო პროცესის მართვის საუნივერსიტეტო ქსელი.

ფორმა 1

სასწავლო გეგმა

ფაკულტეტი: სოციალურ და პოლიტიკურ მეცნიერებათა ინსტიტუტი / დეპარტამენტი / კათედრა / მიმართულება: საზოგადოებრივი გეოგრაფია  
 სასწავლო პროგრამის სახელწოდება: საზოგადოებრივი გეოგრაფია  
 სწავლების საფეხური: მაგისტრატურა  
 სასწავლო პროგრამის ხელმძღვანელი / კოორდინატორი: გიორგი გოგსაძე, პროფესორი  
 აკადემიური საბჭოს მიერ სასწავლო პროგრამის დამტკიცების თარიღი, დადგენილების ნომერი:  
 სასწავლო პროგრამის ამოქმედების თარიღი (სასწავლო წელი): 2014–2015  
 პროგრამის სტრუქტურა და მოცულობა  
 პროგრამა შედგება ორი მოდულისგან:

- სოციალური და პოლიტიკური გეოგრაფია; და
- ტურიზმის გეოგრაფია და სივრცითი განვითარება

მიმართულება მაგისტრანტს სთავაზობს 21 სასწავლო კურსს ჯამში 160 კრედიტი. მაგისტრანტი ვალდებულია შეასრულოს 120 კრედიტი შემდეგი სქემით:

- პროგრამის სავალდებულო კურსები - 65 კრედიტი (მათ შორის სამაგისტრო ნაშრომი 30 კრედიტი).
- მოდულის სავალდებულო კურსები - 35 კრედიტი.
- თავისუფალი კურსები - 20 კრედიტი. მაგისტრანტს უფლება აქვს თავისუფალი კურსები აირჩიოს, როგორც საზოგადოებრივი გეოგრაფიის, ასევე საქართველოს უმაღლესი სასწავლებლების სხვა სამაგისტრო პროგრამებიდან ან უცხოეთის რომელიმე უნივერსიტეტის კურიკულუმიდან (უკანასკნელი პროგრამის ხელმძღვანელთან შეთანხმების საფუძველზე).

| # | სასწავლო კურსის დასახელება              | სასწავლო კურსის სტატუსი: სავალდებულო, არჩევითი | საკონტაქტო/ დამოუკ. მუ- შაობის საათების რაოდენობა | ლექტორი/ ლექტორები | კრედიტების საერთო რაოდენობა | კრედიტების განაწილება სემესტრების მიხედვით |  |  |  |
|---|---|--|---|--------------------|-----------------------------|--|--|--|--|
|   | პროგრამის საერთო (სავალდებულო) კურსები: |  |   |                    | 65                          |  |  |  |  |

|    |   |                |                      |                                      |                   |   |   |   |   |
|----|---|----------------|----------------------|--------------------------------------|-------------------|---|---|---|---|
| 1  | აკადემიური წერა   | სავალდებულო    | 30/95                | ასისტ.. პროფ.<br>ხათუნა მარწყვიშვილი | 5                 |   | X |   |   |
| 2  | ინგლისური ენა   | სავალდებულო    | 1 სემესტრში<br>45/80 | ენების ცენტ. მასწ.<br>თამარ იაშვილი  | 10                | X | X |   |   |
| 3  | გეოინფორმაციული ტექნოლოგიები<br>სოციალურ და პოლიტიკურ კვლევებში | სავალდებულო    | 1 სემესტრში<br>60/65 | ასისტ.-პროფ.<br>ვლადიმერ ჩხაიძე      | 10                | X | X |   |   |
| 4  | განვითარების გეოგრაფია  | სავალდებულო    | 60/65                | ასოც. პროფ.<br>ვალერი მელიქიძე       | 5                 |   |   | X |   |
| 5  | მსოფლიო ეკონომიკის გეოგრაფია                                    | სავალდებულო    | 60/65                | ასოც. პროფ.<br>თამარ დოღბაია         | 5                 |   | X |   |   |
| 6  | სამაგისტრო ნაშრომი  | სავალდებულო    |                      |                                      | 30                |   |   |   | X |
|    | <b>მოდული: სოციალური და<br/>პოლიტიკური გეოგრაფია</b>            |                |                      |                                      | <b>მინიმუმ 35</b> |   |   |   |   |
| 7  | სოციალური გეოგრაფია   | სავალ/არჩევითი | 60/65                | ასოც. პროფ.<br>ვალერი მელიქიძე       | 5                 |   | X |   |   |
| 8  | მსოფლიო პოლიტიკის გლობალიზაცია                                  | სავალ/არჩევითი | 90/160               | ასოც. პროფ.<br>ვალერი მელიქიძე       | 10                | X |   |   |   |
| 9  | გეოპოლიტიკა და ეთნოპოლიტიკური<br>კონფლიქტების გეოგრაფია         | სავალ/არჩევითი | 60/65                | პროფ.<br>გიორგი გოგსაძე              | 5                 | X |   |   |   |
| 10 | საგარეო პოლიტიკის წარმოების<br>ინსტიტუციური ანალიზი             | სავალ/არჩევითი | 60/65                | მოწვ. ლექტორი<br>დავით აბესაძე       | 5                 | X |   |   |   |
| 11 | კავკასიის გეოპოლიტიკა   | სავალ/არჩევითი | 45/80                | მოწვ. ლექტორი<br>ვახტანგ მაისაია     | 5                 |   | X |   |   |
| 12 | ახლო აღმოსავლეთის პოლიტიკური<br>პრობლემები                      | სავალ/არჩევითი | 30/95                | პროფ.<br>რევაზ გაჩეჩილაძე            | 5                 | X |   |   |   |
|    | <b>მოდული: ტურიზმის გეოგრაფია და<br/>სივრცითი განვითარება</b>   |                |                      |                                      | <b>მინიმუმ 35</b> |   |   |   |   |
| 13 | ტურისტული საქმიანობის ორგანიზება                                | სავალ/არჩევითი | 60/65                | ასოც. პროფ. ნინო<br>პავლიაშვილი      | 5                 |   | X |   |   |
| 14 | ევროპის ტურიზმის გეოგრაფია                                      | სავალ/არჩევითი | 45/80                | ასოც. პროფ. ნინო<br>პავლიაშვილი      | 5                 | X |   |   |   |
| 15 | საქართველოს ტურიზმის გეოგრაფია                                  | სავალ/არჩევითი | 60/65                | ასოც. პროფ. ნინო                     | 5                 |   |   | X |   |



|    |  |                |        |                                   |            |           |           |           |           |
|----|--|----------------|--------|-----------------------------------|------------|-----------|-----------|-----------|-----------|
|    |  |                |        | პავლიაშვილი                       |            |           |           |           |           |
| 16 | ტურიზმის თეორია და პოლიტიკა            | სავალ/არჩევითი | 45/80  | მოწ. ლექტ. ნიკოლოზ კვარაცხელია    | 5          | X         |           |           |           |
| 17 | საველე პრაქტიკა რეგიონულ ტურიზმში      | სავალ/არჩევითი | 90/35  | ასოც. პროფ. ნინო პავლიაშვილი      | 5          |           | X         | ივლ       |           |
| 18 | ტურიზმის მარკეტინგი                    | სავალ/არჩევითი | 60/65  | ასოც. პროფ ია იაშვილი             | 5          | X         |           |           |           |
| 19 | მიწის პოლიტიკა და მიწის ადმინისტრირება | სავალ/არჩევითი | 90/160 | პროფ. იოსებ სალუქვაძე             | 10         |           | X         |           |           |
| 20 | კულტურა და რელიგია კავკასიაში          | სავალ/არჩევითი | 45/80  | პროფ. ნინო ჩიქოვანი               | 5          | X         |           |           |           |
| 21 | კულტურის პოლიტიკა                      | სავალ/არჩევითი | 60/65  | ასოც. პროფ. ქეთევან კაკიტელაშვილი | 5          |           | X         |           |           |
|    | <b>სულ</b>                             |                |        |                                   | <b>120</b> | <b>30</b> | <b>30</b> | <b>30</b> | <b>30</b> |

სასწავლო პროგრამის ხელმძღვანელის ხელმოწერა: \_\_\_\_\_

ფაკულტეტის ხარისხის უზრუნველყოფის სამსახურის უფროსის ხელმოწერა: \_\_\_\_\_

ფაკულტეტის სასწავლო პროცესის მართვის სამსახურის უფროსის ხელმოწერა: \_\_\_\_\_

ფაკულტეტის დეკანის ხელმოწერა: \_\_\_\_\_

უნივერსიტეტის ხარისხის უზრუნველყოფის სამსახურის უფროსის ხელმოწერა: \_\_\_\_\_

თარიღი: \_\_\_\_ \_\_ \_\_\_\_ ფაკულტეტის ბეჭედი: